

Transkription von Urkunde MGD 1364a

Ort, Datierung: Magdeburg, 1364-02-14

Signatur: , CDA, IV, 314

Wir Heinrich Stammere und Hannes von Peyne bekennen vor uns und unser erben öffentlich mit dissem brieve : wanne der erwirdige vater in Gote und herre her Dietrich ercebisschof des heiligen gôtshus zu Meidburg , unser lieber gnediger herre , mit willen und vólborde siens capittels gemeyne uns beyden mit eynander und unsern rechten erben gelegen hât mit samender hant alle dis gut verlegen und unverlegen , das ich obgenanter Heinrik Stammere von ym und sinem gotshûs zû lehene habe , nach deme das von uns beydersiit mit gûten willen nach râte unser frunde mit alle unserm gûte in siner yegenwordicheit gentzlich zusampde getan und gesatzt haben , darumb so sullen und wollen wir beyde und unser erven nach uns , ab wir nicht en weren , unserm obgenanten herren , sinem capitel und gotshuse und sinen nachkomen , erzebischofen zu Meidburg , trewlichen zu dinsten sitten und wesen und behulffen syn zu allen iren noten mit alle deme , das wir vermogen , sunderlichen und mit namen mit dem huse zu Stekelnberge , diewile wir das leben , und unser erben nach uns ane allerley argelist uff allirmenlichn , nymandes úzgenomen , ane alleyne den bisschoff von Halberstad

{unvollst.}

Geben zu Meidburg , nach Crists geburd drizenhundert in dem vierundsechzigsten iare , an send Valentinustage des heiligen merteleren.